



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Pauli Segneri S. J. Instructio [!] Poenitentis,  
Confessarii, Et Parochi**

**Segneri, Paolo**

**Augustae Vindelicorum ; Dilingae, 1696**

Introductio ad intelligendum ea, quæ in hoc opusculo tractantur.

[urn:nbn:de:hbz:466:1-52749](https://nbn-resolving.org/urn:nbn:de:hbz:466:1-52749)

# INTRODUCTIO

Ad intelligendum ea, quæ in hoc Opusculo tractantur.

**D**IVINÆ PROVIDENTIÆ satis non erat hominem in hanc lucem procreari, sed cum sciret, eum in primæ valetudinis integritate haud diu permanurum, sollicitè providit medicamenta in herbis, mineralibus, cæterisque mixtis. Verùm quòd pro restauratione status naturalis egit, id ipsum multò excellentioris benevolentia significatione præstitit pro Gratia inter homines incolumitate. Non suffecerat ei constituisse, ut homo per sacrum Baptisma renascere, voluit insuper, cum jam frequenter prospiceret infirmitates, quas per peccatum esset contracturus, efficacissima suppeditare remedia, & saluberrimas thermas sanguinis ex Christi vulneribus scaturientes propinare. *Fons patens domui David in ablutionem peccatoris. Zachar. 13.* Balneum istud est Confessio, quæ ut hoc loco à nobis exponitur, Sacramentum est, in quo per absolutionem à Sacerdote remittuntur Pœnitenti peccata post Baptisum commissa, idèò que à sacris Doctoribus Baptisimatis nomine appellata, sed operosi & cum labore conjuncti, uti fieri necesse erat. Prima

bona valetudinis constitutio nobis obvenerat nullâ nostrâ molestiâ; ac cum ea per immoderationem turbatur, sine afflictione nequit reparari; quin per sepe opus est ignem ferrû neque perpeti, ne malum fiat immedicabile. Hoc ipsam accidit circa Gratiam, prima etenim nobis donatur per primum Baptisum absq; nostra cooperatione; quòd si autem deperditur, non nisi magno dolore redimi oportet per secundum Baptisum Pœnitentiæ, qua cautiore magisque circumspècti progredimur. Quem admodum autem nulla virtutum Baptismo similior est quàm pœnitentiæ, ita nullius major est necessitas. Unde tam necessaria est ei, qui post Baptisum peccatum admisit, quàm ipsemet Baptisus nondum abluto. Mirum proinde non est, si Sacramentum istud, primarium humanæ salutis Instrumentum, à tartareo hoste tam acriter oppugnetur, dum plurimis persuadere nititur, ut vel eodem abstineant, aut non nisi in suam perniciem abutantur. Verissimum est, quod Seraphica Virgo Teresa dicere fuit solita & deplorare, Infernum per sacrilegas Confessiones impleri, ob quam causam Concionatorem quempiam per litteras hortata est his verbis: *Pater frequenter*

quenter verba fac & invadere in Confessiones vitiosas, nec enim diabolus, alio laqueo plures ad sempiternum exitum pertrahit animas, quam isto. Quia prudentissima hujus Virginis sententia, ut verum fateat, longo tempore non parum hæsi attonitus. Verum postquam in diversis missionibus versatus varios inter atque multiplicis generis homines, perspicue didici, nihil supra verum Sanctam istam exaggerasse. Multi peccatores magnam fiduciam concipiunt, si aliquoties facta à se Confessionis meminerint, neque considerant, an rite eam peregerint, itaque semetipsum fallunt, & miseram involvunt ruinam.

Accidit ipsis, quod refertur à Scriptoribus de elephante. Solet is quietem capturus se acclinare arbori, quam tamen non explorat antea, sine firma satis & pas sustinendæ molli: quippe cum à venatore prius ita succisa sit, ut tamen erecta consistat, animal facile invitatur, at ubi primum pondus incumbit, corruit, & miserum opprimit, cujus ruinæ non alia causa fuit, quam nimia securitas nullam latentis fraudis suspicionem admittens. En hostis nostri vaferrimi nequitiam! fulcrum Confessionis tentat succidere, at ultra, quam non satis est ad fallendum, qui ei innititur. Non enim aperte Confessionem dissuadet, sed ne bene & debito modo fiat, allaborat, sine cura conscientia lustratur, parùm attendatur ad contritionem, negligatur propolium, omittantur aliæ requisitæ

dispositiones. Qui hujusmodi sibi Confessionibus, corruit lapsu irreparabili. Sed quantum est eorum numerus, qui tam fragili innituntur fulcro? Ut ergo tot casus pro viribus antevererem, judicavi, rem me non inutilem futuram, si quædam documenta practica offererem, quæ vel ad suscipiendam Confessionem permovereant, vel ad eam rectè instituendam conducant, itaque ostendant, si quisne firmum sit, cui instituitur, fundamentum. Erunt hæc eadem ipsa præcepta, quæ in missionibus magno cum fructu pro ordinaria Christianæ doctrinæ materiâ exponuntur, idcirco tam securo, quam facillima futura sint, si in lucem prodeant, interque Auditores divulgata, postquam auribus fuere excepta, deinceps vivæ vocis defectum suppleant chartis consignata; & consilio quidem, cum enim in accurrentium multitudine non rudes solummodo, verum etiam permulti & civiles ac literarum non expertes inveniuntur, ea usus sum in proponendo ratione, quæ proficit omnibus. Superest modò, ut Dominus ille, qui te induxerit ad evolendas hæc pagellas, Benevole Lector, in quibus præter ejus gloriam nihil quaeritur, ubi quoque ex ipsidem proficiendi gratiam impertiat, ut clarè agnoscas, tantam tibi rectè faciendam Confessionis curam esse habendam, quanto propriæ salutis consequendæ tenerris desiderio.

\* \*